



অবিলম্বে প্রকাশের উদ্দেশ্যে: 7/16/2023

গভর্নর ক্যাথি হোকল

সম্ভাব্য বন্যার প্রভাব নিয়ে স্টেটের প্রস্তুতি সম্পর্কে গভর্নর হোকল নিউ ইয়র্কবাসীদের হালনাগাদ তথ্য প্রদান করেন, যেহেতু আজ এবং আগামীকাল আরও বৃষ্টিপাত প্রত্যাশিত

ভারী বৃষ্টি ক্রমাগত ডাউনস্টেটের এলাকাগুলোকে প্রভাবিত করে চলেছে বলে সাফোক কাউন্টি একটি আকস্মিক বন্যা সতর্কতা মধ্যে রয়েছে

স্বদেশের নিরাপত্তা ও জরুরী পরিষেবা বিভাগ এর কাছে প্রয়োজনে বন্যার জল থেকে উদ্ধারের জন্য যন্ত্রপাতি রয়েছে এবং কর্মীরা অপেক্ষায় আছে

আবহাওয়া পরিস্থিতি পর্যবেক্ষণ করার জন্য এবং আকস্মিক বন্যার ঘটনায় তৎপরতার সাথে প্রস্তুত থাকতে গভর্নর নিউ ইয়র্কবাসীদের তাগিদ দেন

গভর্নর ক্যাথি হোকল আজ ইতিমধ্যে সাম্প্রতিক আকস্মিক বন্যায় প্রভাবিত অঞ্চলগুলোতে ভারী বৃষ্টির কারণে সম্ভাব্য বন্যা পরিস্থিতি পর্যবেক্ষণ এবং সাড়া দানে স্টেটের প্রচেষ্টা সম্বন্ধে নিউ ইয়র্কবাসীদের আপডেট দিয়েছেন। স্টেটটির সমগ্র পূর্বাঞ্চলটিতে এই বিকাল থেকে একটি বন্যা সতর্কতার মধ্যে রয়েছে, সাথে সাফোক কাউন্টিতে বর্তমানে একটি আকস্মিক বন্যার সতর্কতা রয়েছে। গত রাত থেকে, সাফোক কাউন্টিতে দুই ঘণ্টার ব্যবধানে পাঁচ ইঞ্চির বৃষ্টিপাত হতে দেখা গেছে এবং ওয়েস্টচেস্টার ও পুটনাম কাউন্টিও প্রতি ঘণ্টায় প্রায় দুই ইঞ্চি বৃষ্টিপাতের সম্মুখীন হয়েছিল। এইসব অঞ্চলগুলোতে বর্তমানে কোনও লক্ষণীয় বা বিপর্যয়মূলক বন্যা পরিস্থিতির রিপোর্ট না থাকলেও, গভর্নর হোকল এবং তাঁর প্রশাসন যেকোনও রকম আবহাওয়া জনিত প্রভাবের উপর কাছ থেকে নজর রাখছেন এবং বন্যার মোকাবিলায় ভালোভাবে প্রস্তুত রয়েছেন।

"স্টেটে আকস্মিক বন্যা সতর্কতার মধ্য দিয়ে যাওয়া অঞ্চলগুলো সহ, আমি নিউ ইয়র্কবাসীদের সতর্ক থাকার জন্য এবং আবহাওয়া পরিস্থিতি পর্যবেক্ষণ করার জন্য উৎসাহিত করি, " **বলেন গভর্নর হোকল।** "এই সময়কালীন আমরা যাতে যেকোনও বাড়তি আবহাওয়া জনিত প্রভাবের জন্য প্রস্তুত থাকি তা নিশ্চিত করতে আমার প্রশাসন ক্লাস্তিহীনভাবে কাজ করে চলেছে।"

ডিভিশন অব হোমল্যান্ড সিকিউরিটি অ্যান্ড ইমার্জেন্সি সার্ভিসেস এর কমিশনার জ্যাকি ব্রে বলেন, "গত 24 ঘণ্টায় একাধিক কাউন্টিতে ভারী বৃষ্টির রিপোর্ট হয়েছে এবং এই বিকাল থেকে আগামী কাল পর্যন্ত আমরা আরও বৃষ্টি হওয়ার আশা করছি। আমার টিম স্টেট জুড়ে পূর্বাভাস এবং এই সিস্টেমে যেকোনও আবহাওয়া জনিত প্রভাব ট্র্যাক করছে। আমরা

আকস্মিক বন্যা পরিস্থিতির ঘটনায় আমাদের স্থানীয় ফার্স্ট রেসপন্ডারদের সহায়তার জন্য অতিরিক্ত কর্মী এবং পরিসম্পৎ নিয়োগ করার জন্য ভালোমতো প্রস্তুত।"

নর্থ কান্ট্রি, রাজধানী অঞ্চল, মোহক ভ্যালি, মিড-হাডসন, নিউ ইয়র্ক সিটি এবং লং আইল্যান্ড অঞ্চল সহ স্টেটের সামগ্রিক পূর্বাঞ্চল একটি বন্যা সতর্কতার মধ্যে রয়েছে। আবহাওয়া সতর্কতা ও পূর্বাভাসের সম্পূর্ণ তালিকা দেখার জন্য ন্যাশনাল ওয়েদার সার্ভিস (National Weather Service) ওয়েবসাইট <https://alerts.weather.gov> পরিদর্শন করুন।

নিউ ইয়র্কবাসীদের স্টেটের বিনামূল্যের জরুরি সতর্কবার্তা ব্যবস্থা alert.ny.gov –এ NY-অ্যালার্টের জন্য সাইন আপ করতে উৎসাহ দেওয়া হচ্ছে। কাউন্টি অনুযায়ী আপৎকালীন পরিস্থিতির তথ্য টেক্সট বা ইমেলের মাধ্যমে পুশ বিজ্ঞপ্তিতে পাঠানো যেতে পারে।

ঝড় কাছাকাছি আসার ফলে, পরিবহন বিভাগের হাইওয়ে রক্ষণাবেক্ষণ ক্রিউ এবং ঠিকাদার বাহিনী, ক্ষতি মূল্যায়ন এবং ব্রিজ পর্যবেক্ষণ দল মধ্য নিউ ইয়র্ক, নর্থ কান্ট্রি, লং আইল্যান্ড এবং হাডসন ভ্যালি অঞ্চল জুড়ে স্টেটের রাস্তাগুলো নিরাপদে আবার খুলে দেওয়ার জন্য ক্লাস্তিহীনভাবে কাজ করেছে।

সম্প্রতি সড়কগুলো পুনরায় চালু হয়েছে

হাডসন ভ্যালি

- ইউ.এস. রুট 6/202 (বিয়ার মাউন্টেন ব্রিজ রোড) ওয়েস্টচেস্টার কাউন্টির কর্টল্যান্ড টাউনে স্টেট রুট 9D এবং ইউ.এস. রুট 9 এর মধ্যে উভয় দিকেই আবার খুলেছে।
- ইউ.এস. রুট 9W কর্নওয়াল ও ওয়েস্ট পয়েন্ট/মাউন্টেন এভের স্ট্যানি লোনসোম গোট প্রবেশদ্বারের মধ্যবর্তী অঞ্চলে ছোট লেন সহ উভয় দিকে আবার খুলেছে। এটি উত্তর থেকে ওয়েস্ট পয়েন্টের প্রধান প্রবেশদ্বার সহ 4.8 মাইল রোডওয়ে জুড়ে রয়েছে, প্রধান যাতায়াতের পথটিকে পুনরুদ্ধার করে।
- অরেঞ্জ কাউন্টির উডবুরি টাউনের ট্রাউট ক্রক রোডের স্টেট রুট 32 অস্থায়ী সিগন্যালের মাধ্যমে বিকল্প ট্র্যাফিকের এক লেন দিয়ে পুনরায় চালু হয়েছে।
- ইউ.এস. রুট 9W রকল্যান্ড কাউন্টির মধ্য দিয়ে বিয়ার মাউন্টেন ব্রিজের উভয় দিকেই আবার চালু হয়েছে। বিয়ার মাউন্টেন ব্রিজ থেকে রুট 6 (গোট টেইল) এর উপর দিয়ে রুট 9W থেকে বিয়ার মাউন্টেন সাইকেলের এই গুরুত্বপূর্ণ সংযোগ আবার স্থাপন করা হয়েছে।
- ব্রিজ কর্তৃপক্ষ সব ট্র্যাফিকের জন্য বিয়ার মাউন্টেন ব্রিজ আবার চালু করা হয়েছে।

সেন্ট্রাল নিউ ইয়র্ক

- মেক্সিকোর ওসওয়োগো কাউন্টির স্টেট রুট 104 বিকল্প একমুখী ট্র্যাফিকের জন্য পুনরায় চালু হয়েছে। এই সপ্তাহ থেকে শুরু করে, এটি কালভার্ট মেরামতের জন্য সাময়িকভাবে প্রায় দুই সপ্তাহের জন্য বন্ধ থাকবে।
- ওসওয়োগো কাউন্টির রুট 69A আবার সম্পূর্ণভাবে চালু করা হয়েছে।

হ্যামিলটন কাউন্টি

- ব্লু মাউন্টেন লেক থেকে হ্যামিলটন কাউন্টির লং লেক পর্যন্ত রুট 30/28N আবার চালু হয়েছে।
- লং লেক, হ্যামিলটন কাউন্টি থেকে ফ্রাঙ্কলিন কাউন্টি লাইন পর্যন্ত রুট 30 আবার চালু হয়েছে।
- হ্যামিলটন কাউন্টির লং লেকের টাউনে স্টেট রুট 28N ফিশিং ব্রুকের ব্রিজ পর্যন্ত একমুখী, স্থানীয় ট্রাফিক এবং আপৎকালীন গাড়ির জন্য আবার চালু করা হয়েছে।

বর্তমান সড়ক বন্ধ

- হ্যামিলটন কাউন্টিতে ফিশিং ব্রুক যাওয়ার জন্য স্টেট রুট 28N এর ব্রিজটি বর্তমানে বন্ধ আছে লক্ষণীয় মাত্রায় গঠনগত ক্ষতির কারণে। পরিবহন বিভাগ (Department of Transportation) এর প্রকৌশলীরা যত তাড়াতাড়ি সম্ভব এই এলাকার ট্রাফিক আবার চালু করার জন্য একটি অস্থায়ী পরিকাঠামো গড়ে তোলার জন্য কাজ করছে।
- অরেঞ্জ কাউন্টির টাউন হাইল্যান্ডসের পোপোলোপেন ক্রিকের উপর স্টেট রুট 9W ব্রিজটি বর্তমানে বন্ধ রয়েছে, তবে স্টেটের প্রকৌশলীরা যত তাড়াতাড়ি সম্ভব ব্রিজটি পুনরায় খোলার একটি সমাধান বাস্তবায়নে কাজ করে চলেছেন। এই অবস্থায়, ব্রিজের ক্ষতির কারণবশত রুট 9W মন্টগোমেরি থেকে বিয়ার মাউন্টেন সার্কেল পর্যন্ত উভয় দিকেই বন্ধ রয়েছে।
- ওয়াশআউট ও ধ্বংসাবশেষের কারণে ইউ.এস. 9W অরেঞ্জ কাউন্টির হাইল্যান্ডসের স্টেট রুট 218/জেমস ওনিল হাইস্কুলে এবং স্ট্যানি লোনসাম গেট/মাউন্টেন এভিনিউয়ের উত্তরমুখী ও দক্ষিণমুখী দিকে বন্ধ রয়েছে। এটি দীর্ঘ-কালের জন্য বন্ধ থাকবে বলে প্রত্যাশিত।
- রাস্তা ভেঙে যাওয়ার কারণে অরেঞ্জ কাউন্টির হাইল্যান্ডসের ইউ.এস. 9W এবং স্টেট রুট 218 এর মধ্যকার উত্তরমুখী এবং দক্ষিণমুখী স্টেট রুট 980U বন্ধ রয়েছে। এটি দীর্ঘ-কালের জন্য বন্ধ থাকবে বলে প্রত্যাশিত।
- রাস্তা ভেঙে যাওয়ার কারণে অরেঞ্জ কাউন্টির কর্নওয়াল টাউনের স্টর্ম কিং হাইওয়ে এবং কর্নওয়াল টাউন/হাইল্যান্ডস টাউন লাইনের মধ্যকার উভয় দিকের স্টেট রুট 218 বন্ধ রয়েছে। এটি দীর্ঘ-কালের জন্য বন্ধ থাকবে বলে প্রত্যাশিত।

আবহাওয়ার উপর নির্ভর করে, নীচের সড়কপথগুলো আগামী 24-48 ঘণ্টার মধ্যে আবার চালু হবে বলে প্রত্যাশিত:

- রকল্যান্ড কাউন্টির হাইল্যান্ড টাউনের এক্সিট 15 এবং বিয়ার মাউন্টেন ব্রিজের মধ্যকার উত্তরমুখী এবং দক্ষিণমুখী প্যালিস্যাডস পার্কওয়ে।
- অরেঞ্জ কাউন্টির উডবেরির স্টেট রুট 293 এবং প্যালিস্যাডস পার্কওয়ের মধ্যকার উভয় দিকের ইউ.এস. 6।

- ইউ.এস রুট 6 এবং প্যালিস্যাডস ইন্টারস্টেট পার্কওয়ের মধ্যকার লং মাউন্টেন সার্কেল, প্যালিস্যাডস ইন্টারস্টেট পার্কওয়ের মাধ্যমে নর্দান রকল্যান্ড কাউন্টির সাথে ইস্টার্ন অরেঞ্জ কাউন্টির অ্যাক্সেস পুনঃস্থাপন করা হচ্ছে।
- ওয়েস্টচেস্টার কাউন্টির নর্থ সালেমের উভয় দিকে নর্টন রোড এবং হান্ট লেনের মধ্যকার স্টেট রুট 116।
- ওয়েস্টচেস্টার কাউন্টির মাউন্ট প্লিস্যান্টের স্কাইলাইন ড্রাইভ এবং শ্য মিল রিভার পার্কওয়ের মধ্যে উভয়দিকে স্টেট রুট 9A।
- ওয়েস্টচেস্টার কাউন্টির ক্রস রিভারের মার্ক মিড রোডের পূর্বমুখী পশ্চিমের স্টেট রুট 35।
- ডাচেস কাউন্টির ইস্ট ফিশকিলের এক্সিট 37A এর দক্ষিণে, উত্তরমুখী ট্যাকোনিক স্টেট পার্কওয়ে।
- ডাচেস কাউন্টির, পাওলিংয়ের হার্ডস কর্নার্স রোডে স্টেট রুট 22।

অতিরিক্ত স্টেট এজেন্সির প্রস্তুতি

পরিবহন বিভাগ (Department of Transportation)

স্টেটের পরিবহন বিভাগ স্টেটব্যাপী উপলভ্য প্রায় 3,500 জন অপারেটর এবং সুপারভাইজার নিয়ে বর্তমান আবহাওয়া পরিস্থিতিতে প্রতিক্রিয়া জানাচ্ছে। স্টেট জুড়ে থাকা ইকুইপমেন্টের সংখ্যা নিম্নরূপ:

- 1,404টি বড় ডাম্প ট্রাক
- 321টি বৃহৎ লোডার
- 82টি চিপার
- 79 হুইলড এবং ট্র্যাকড এক্সক্যাভেটর
- 32টি ট্রাফিক টাওয়ার প্লাটফর্ম
- 20টি সিউয়ার জেট সহ ভ্যাকুয়াম ট্রাক
- 15টি ট্রি ক্লিয়ারিং ট্রাক

থ্রুওয়ে কর্তৃপক্ষ (Thruway Authority)

থ্রুওয়ে কর্তৃপক্ষ (Thruway Authority) বর্তমানে আবহাওয়ার পূর্বাভাস পর্যবেক্ষণ করছে এবং ঝড়ো বাতাস বা বন্যা সংক্রান্ত যেকোনো পরিস্থিতি মোকাবেলায় ছোট থেকে মাঝারি আকারের এক্সক্যাভেটর, প্লাও/ডাম্প ট্রাক, বড় লোডার এবং বেশ কিছু বহনযোগ্য ভ্যারিয়েবল মেসেজ সাইন (Variable Message Signs, VMS) বোর্ড, বহনযোগ্য লাইট টাওয়ার, ছোট জেনারেটর, ছোট পাম্প ও সরঞ্জাম টানার ট্রেলার এবং সেই সাথে যেকোনও ধরনের পথ ঘোরানো বা বন্ধের জন্য ট্রাফিক সাইন ও অন্যান্য ট্রাফিক নিয়ন্ত্রণ যন্ত্র নিয়ে স্টেটজুড়ে 653 জন অপারেটর ও সুপারভাইজারকে প্রস্তুত রেখেছে। থ্রুওয়েতে মোটরচালকদের সতর্ক করতে বিভিন্ন রকমের বার্তার চিহ্ন, হাইওয়ে সতর্কতা রেডিও এবং সোশ্যাল মিডিয়া ব্যবহার করা হয়।

স্টেট ব্যাপী থাকা ইকুইপমেন্টের সংখ্যা নিম্নোক্তানুসারে:

- 354টি বড় ও ছোট ডাম্প ট্রাক
- 60টি লোডার
- 31টি ট্রেইলার
- 5টি ভ্যাক ট্রাক
- 13টি এক্সক্যাভেটর
- 8টি ব্রাশ চিপার
- 100টি চেইন স
- 23টি এরিয়াল ট্রাক
- 21টি স্কিড স্টিয়ার
- 83টি বহনযোগ্য জেনারেটর
- 68টি বহনযোগ্য লাইট ইউনিট

থ্রুওয়ে অথোরিটি (Thruway Authority) মোটরযান চালকদের তাদের মোবাইল অ্যাপ ডাউনলোড করার সুপারিশ করে যা আইফোন ও অ্যান্ড্রয়েড ডিভাইসে বিনামূল্যে ডাউনলোড করা যাবে। অ্যাপের মাধ্যমে মোটরিস্টরা রাস্তায় থাকার সময় লাইভ ট্রাফিক ক্যামেরা, রিয়েল-টাইম তথ্য ও নেভিগেশন সংক্রান্ত সহায়তায় সরাসরি অ্যাক্সেস পাবেন। মোটর চালকরা TRANSalert ইমেলগুলির জন্যও সাইন আপ করতে পারেন যা থ্রুওয়ে বরাবর সাম্প্রতিকতম ট্রাফিক অবস্থা প্রদান করে, Twitter-এ @ThruwayTraffic অনুসরণ করুন এবং থ্রুওয়ে এবং অন্যান্য নিউ ইয়র্ক স্টেটের সড়কপথের ট্রাফিক অবস্থা দেখানো একটি ইন্টারেক্টিভ মানচিত্র দেখতে thruway.ny.gov-এ যান।

জনসেবার বিভাগ (Department of Public Service)

এই ঘটনার জন্য নিউ ইয়র্ক স্টেটজুড়ে ক্ষয়ক্ষতি মূল্যায়ন, সাড়া প্রদান, মেরামত ও পুনর্বহাল কার্যক্রম পরিচালনার জন্য নিউ ইয়র্কের ইউটিলিটি এজেন্সিগুলোতে প্রায় 5,500 জন কর্মী রয়েছে। এজেন্সির কর্মীরা পুরো সময় ইউটিলিটিগুলির কার্যক্রমের উপর নজর রাখবে এবং সবথেকে বেশি প্রভাবিত হতে পারে বলে ধারণা করা এলাকাগুলোতে ইউটিলিটি এজেন্সিগুলোর পর্যাপ্ত কর্মী নিয়োগের বিষয়টি নিশ্চিত করবে।

নিউ ইয়র্ক স্টেট পুলিশ (New York State Police)

স্টেট পুলিশ ক্ষতিগ্রস্ত এলাকাগুলিতে প্রয়োজন অনুযায়ী অতিরিক্ত ট্রুপার মোতায়েন করতে প্রস্তুত। চার চাকার যানবাহন, এবং ইউটিলিটি টাঙ্ক যানবাহন সহ বিশেষভাবে তৈরি স্টেট পুলিশের সমস্ত গাড়ী অবিলম্বে সহায়তার জন্য তৈরি এবং প্রস্তুত রয়েছে। সকল ট্রুপ, জরুরি শক্তি এবং যোগাযোগ সরঞ্জাম পরীক্ষা করা হয়েছে।

পরিবেশ সংরক্ষণ বিভাগ (Department of Environmental Conservation)

DEC পরিবেশ সংরক্ষণ পুলিশ অফিসার, ফরেস্ট রেঞ্জার্স, আপংকালীন ম্যানেজমেন্ট স্টাফ এবং আঞ্চলিক স্টাফরা সতর্ক থাকবেন এবং পরিবর্তিত পরিস্থিতিতে নজর রাখবেন এবং খারাপ আবহাওয়ার দরুন ক্ষতিগ্রস্ত হওয়ার সম্ভাবনা রয়েছে এরকম এলাকা এবং আবহাওয়া পরিস্থিতি এবং অবকাঠামোগুলিতে তারা টহলদারি চালাবেন। সকল উপলভ্য সম্পদ যেকোনও জরুরি পরিস্থিতি মোকাবেলায় সহায়তা করতে প্রস্তুত রয়েছে।

ভারী বৃষ্টির সম্ভাবনা নিয়ে, সাময়িকভাবে সমস্ত বেশি-উচ্চতার পথ এবং নদী ও জলপ্রবাহ পেরনোর পথগুলো এড়ানোর জন্য [অ্যাডিরনডেকের হাইকারদের পরামর্শ দেওয়া হয়েছে](#)। বিশেষ করে সাম্প্রতিক বন্যা পরিস্থিতিতে পথের পরিস্থিতি, মরশুমি রাস্তা বন্ধ এবং অ্যাডিরনডেকগুলোর সাধারণ বিনোদনমূলক তথ্যের উপর হালনাগাদ পেতে [অ্যাডিরনডেকের ব্যাককান্ট্রি তথ্যের ওয়েবপেজ](#) দেখার জন্য হাইকারদের উৎসাহিত করা হয়েছে।

পার্ক, বিনোদন ও ঐতিহাসিক সংরক্ষণ দপ্তর (Office of Parks, Recreation and Historic Preservation)

নিউ ইয়র্ক স্টেট পার্ক পুলিশ এবং পার্কের পার্সোনেলরা সতর্ক আছে এবং আবহাওয়া পরিস্থিতি এবং তার পরিণামের উপর কড়া নজর রাখছেন। পার্কে বেড়াতে আসা মানুষের উচিত parks.ny.gov ভিজিট করা, বিনামূল্যে NY স্টেট পার্কস এক্সপ্লোরার মোবাইল অ্যাপটি দেখা বা পার্কের সময়, খোলা এবং বন্ধের সময় সম্পর্কে সর্বশেষ তথ্যের জন্য তাদের স্থানীয় পার্ক অফিসে যোগাযোগ করা।

তীব্র আবহাওয়ার নিরাপত্তা পরামর্শ

দুর্যোগের সরবরাহ

দুর্যোগকালীন অত্যাবশ্যিক সামগ্রীগুলি নাগালের মধ্যে রাখুন, যার মধ্যে রয়েছে:

- ফ্ল্যাশলাইট এবং অতিরিক্ত ব্যাটারি
- ব্যাটারি চালিত রেডিও এবং অতিরিক্ত ব্যাটারি
- ফার্স্ট এইড কিট এবং ম্যানুয়াল
- জরুরি খাদ্য এবং পানি
- অ-বৈদ্যুতিক ক্যান ওপেনার
- অপরিহার্য ওষুধ
- চেকবুক, নগদ, ক্রেডিট কার্ড, ATM কার্ড

হঠাৎ বন্যা

- বন্যায় ডুবে যাওয়া রাস্তা দিয়ে গাড়ি চালিয়ে যাওয়ার চেষ্টা করবেন না। গাড়ি ঘোরান এবং অন্য রাস্তা দিয়ে যান।
- যদি আপনার গাড়ির চারপাশে দ্রুত পানি বাড়তে থাকে, তাহলে অবিলম্বে যান পরিত্যাগ করুন।
- দ্রুত গতিতে বয়ে চলা পানির ক্ষমতাকে অগ্রাহ্য করবেন না। দ্রুত গতিতে বয়ে চলা দুই ফুট উচ্চতার পানিতে আপনার গাড়ি ভাসিয়ে নিবে এবং দুই মাইল বেগে বয়ে চলা পানি আপনার গাড়িকে রাস্তা বা ব্রিজ থেকে টেনে নিয়ে যাবে।

বজ্রপাত

- 30-30 নিয়ম অনুসরণ করুন: যদি আপনার বিদ্যুৎ চমকতে দেখার এবং বজ্রপাতের শব্দ শোনার মধ্যকার সময়ের ব্যবধান 30 সেকেন্ড বা তার কম হয় তাহলে সেই বজ্রপাত

আপনাকে আঘাত করার মতো কাছাকাছি দূরত্বে রয়েছে। অবিলম্বে আশ্রয় গ্রহণ করুন। শেষ বিদ্যুৎ চমকানোর পর, আপনার আশ্রয় ত্যাগ করার পূর্বে 30 মিনিট অপেক্ষা করুন।

- বজ্রপাত সবথেকে লম্বা বস্তুকে আঘাত করে। আপনি যদি একটি গাছের লাইনের উপরে থাকেন, দ্রুত তার নিচে যান এবং আপনি একটি খোলা স্থানে থাকলে নিচু হয়ে বসুন।
- আপনি যদি একটি আশ্রয়কেন্দ্রে না যেতে পারেন, গাছ থেকে দূরে থাকুন। কোনও আশ্রয় না থাকলে, খোলা স্থানে নিচু হয়ে বসুন, কোনও গাছ যত লম্বা তার দ্বিগুণ দূরে থাকুন।

ঘূর্ণিঝড়

- ঘরের বাইরে থাকা অবস্থায় ঘূর্ণিঝড় সতর্কতা জারি হলে, অবিলম্বে আশ্রয় খুঁজুন। যদি কাছাকাছি কোনও আশ্রয় না থাকে তবে আপনার হাত দিয়ে আপনার মাথা ঢেকে একটি খাদ বা নিচু স্থানে লম্বা হয়ে শুয়ে পড়ুন।
- বাড়িতে বা ছোট কোনও ভবনে থাকলে, বেজমেন্ট বা ভবনের নিচ তলার ভেতরের একটি কক্ষ যান। জানালা থেকে দূরে থাকুন। আলমারি, বাথরুম, এবং অন্যান্য অভ্যন্তরীণ কক্ষগুলি সর্বোত্তম সুরক্ষা সরবরাহ করে। মজবুত কিছুর নিচে যান বা নিজেকে একটি গদি দিয়ে ঢেকে রাখুন।
- স্কুল, হাসপাতাল, বা শপিং সেন্টারে থাকলে, পূর্বে নির্ধারিত আশ্রয় এলাকায় যান। বড় খোলা এলাকা এবং জানালা থেকে দূরে থাকুন। বাইরে আপনার গাড়ির কাছে যাবেন না।
- একটি উঁচু ভবনে, সম্ভাব্য সর্বনিম্ন তলার একটি অভ্যন্তরীণ ছোট কক্ষ বা হলওয়ায়ে যান। এলিভেটর ব্যবহার করবেন না - সিঁড়ি ব্যবহার করুন।

ব্যক্তিগত প্রস্তুতি জন্য এবং তীব্র আবহাওয়ায় কীভাবে নিরাপদ থাকতে হয় সেই সম্পর্কে আরও তথ্যের জন্য, এখানে যান: <https://www.dhSES.gov/safety>।

###

আরো সংবাদ এখানে পাওয়া যাবে: www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)